



柳田文庫
文庫11
D 85
3



文庫 11
D 85
3

清容居士集卷第四

古詩 五言

夕佳亭

元 袁 桷 撰

赤雲下平田層巒紫光凝疎鐘息萬籟晴湖淨奩冰倦翮
戢已棲遊雲澹相承吹簫者誰子空林起孤燈感彼金谷
人怪石樛寒藤壯意恥未沒水涌風憑陵亭亭玉浮圖百
幻隨廢興振衣視天末黯澹銀河升朝曛詎異境氣寂念
始澄

贈養源編修回嚴陵省墓

岩岩白雲阡翳翳青松居美蔭同靈根地易世愈疎清秋



01019055335

48-12130

子胥濤縈紆達桐廬欲濟非無航契闊實跂予昔聞祖父
言結綬來京都束書遠鄉國井邑匪異殊俯仰成雲仍宰
木今何如事遠遺謀存審象窺眉鬚寒暑有代謝念昔同
一初躬耕樂真隱漫仕修素儒敦敘古所宗和侃寧有渝
八
贈昌上人二首

蕭蕭湖上波搖蕩羣峯秋客有萬古意支筇赴龍湫龍湫
厖眉叟宴坐足未收飲以一片冰熟視了不酬長松挂枯
瓢風靜林颼颼境足念念愈忘道充身益優永謝巖下人淡
省聊自修

岩堯蒼玉軒虛聲振寒林我昔行其庭見影復見心秀嶂
出古色浮雲爲之陰豈不念世短所樂非所歆潛珍閱幽

匱羣弄誇姝音靖言事當爾江湖眇崎崟送子歸山阿松
風起寒琴

宿竹院次琪橫川韻二首

修竹手所種參差過屋山微風爲之來心境兩相閒清泉
在澗底白雲在松間鐘聲集趺坐樓溪流月殘重遊啟溪
省解轡思掩關

昔遊玉几峯老禪肩如山機淡削陳迹天馬初服閒念欲
從之遊小築茅三間俛仰二十載黃塵鬢毛殘亭亭石塔
影哀猿守松關

送宋壽卿侍御迎養建康

葆真林閭下爲善心自娛農圃得休息時讀古人書施食

不望報折券不顧餘時至祿自臻門有駟馬車念昔髫鬣
子遶牀衣青襦束髮事編簡操觚入皇都勁氣摩黃鵠危
言伏青蒲厖眉笑有言鄰曲驚且吁維南帝王州問俗宣
典謨匪規鼎食榮菽水心晏如種德報己豐願言廣菑畚
蘭生在堂下溪根佇扶疎

廣信陳氏擇勝樓

散髮碧潭際讀書叢竹邊怡情學榮觀卜築遵自然雲蘿
左右嶂雞犬東西阡羣動各有性孰念靜者憐翳翳昔賢
居遺迹故老傳化爲神仙宅喬木昧蒼煙松風起萬壑哀
湍助鳴絃觀萬詎在遠泯默師韋編

潘孟陽上書不報歸里作五詠

賈生蘊奇略徒步西上書昊天有正命傷哉杞人愚鵬翼
垂雲來魂氣與之俱鼃氏竟寂寂主父復何如
襄陽孟處士拂衣歸故山放浪巖壑淡流詠遺人間舉袖
巖花落擊楫江鷗還羊公何墮淚水聲日潺潺
梅生一尉卑喋喋正天紀洗心洞元化削跡棄妻子龍變
孰能馴蟬蛻迺真止松迴風泠泠水落石齒齒
虞卿舌轉丸揣事精微苴事危見交態窮愁名益光黃金
散逝水白璧凝飛霜丈夫有定志得失非預防
仲連匡世姿揮手卻秦軍掩袂停白日登車抗浮雲射書
誠草草孤城生死分辭榮敦薄俗矯抗離其羣

題盧溝煙雨圖

爲吳成
季作

驅馬上河梁圓暈新雨紋矯首層闕巍翔鸞散奇氛倚南
雙松樹百里風聲聞束髮入紫京去住心如焚送客醕我
觴我醕不得醕願化爲黃鶴朝夕隨飛雲上以奉明主中
以承嚴君往復三千年奇齡合氤氲結袂安期子啟齒歌
瓊文

滑州從事持喪三年將終養其母郡表其閭

東魯秉周禮化俗何簡媮崎嶇小滕君冠蓋交道周漢帝
仁且明遺令誠咿嚶駟馬不及舌坐貽千古羞濫觴始膚
寸奔流淪九州昂昂古先進免胄希前修青松爲之枯慈
烏爲之畱念此歲月短解紱安林丘華楹表槐柳細石寒
泉流泯默區中人章甫慙沐猴

孟和卿旌表

濯纓息機事枕石聽流泉感彼蟻慕人駢首爭遺羶黃雲
翳平壟持以防歲年河流滔天來積浪翻中田招攜舊鄰
曲寒林起炊煙冥報非我願表宅增惘然紛紛游俠徒黃
金生愛憐原生處蓬戶屢空聊自全

雲中郝孝子

混沌鑿旣久重華以孝稱悲哉短喪徒稻錦顏益矜詩禮
行中州眾說交沸騰挽十不得一閉閤徒凌兢苾苾古雲
中土屋塗層冰下有郝氏阡駟烏爲之增大圭出至璞匪
以雕績能寒泉列古井零露溥蒼藤淳風詎云遠相傳在
雲仍

送沙君寶宰邑

舊爲翰苑印史

尚印宰百里寒厓水粼粼野曠牛羊低山溪麋鹿馴持觴
接耆老種柳迎行人陶然樂清淨絃歌足青春

次韻馬伯庸供奉書館書事二首

瑤臺麗層雲秋聲起琪樹織翠藻井波凝碧瑣窗霧雍容
列仙集晴雪烟振鷺念昔經啟初櫛沐合生聚簡冊迄未
成春秋奉神御巍巍冠南夏握筆慙繪句元尊實明水越
席敷大路崔蔡心匪迂終焉才名誤

其二

神京奉載筆需雲歌肆筵匪謂歲月虛聖代淡養賢微蹤
愧三入取禾踰十千馳神竹素圃鴻藻儼古先羣雄寶書

聚彌綸迺成編微言耿玉絜潛光媚春妍往聖去已久八
音盪敷宣元運合豹變高閎踵蟬聯夷齊迺首傳冥思豈
其然

送馬伯庸御史奉使河西

青瑣倦迂散執轡踰關河黃流何奔傾積石何嵯峨承詔
撫疲毗驚烏在林柯沙場有凍骨野畝無遺禾日夕寒雲
聚宿燐明巖阿訪俗感素心因之聆詠歌

詠歌者誰子被髮號天明婦死不復悲失兒誰與耕承平
五十載不識戰與爭殘雪流銀液我淚同其傾古云百二
險夸誕生甲兵孰能轉夷途歷劫永清寧

清寧闡文運覽彼古帝都秦聲激豪宕洛詠夸敷腴邙山

何纍纍下有白玉跌感彼秉筆人百金盡其諛死者已寂
歷茲文亦模糊偉哉龍門生悲憤有遺書

遺書紀河源荒忽不可識君行河之西春雪淡五尺茫茫
賀蘭山抽矢石爲鏞坐閱三姓王聖代始斂色沙羊護羶
房名駝候土驛觀風慘無儔雲端羨飛翼

飛翼西北來遺我書赫蹏中有陳情詞復憐雙雛啼野曠
川無梁積荒氣候凄雞鳴葡萄根虎嘯苜蓿畦清霜集素
裘斗戴天益低頓轡不得上雪山在其西

其西何寥寥云有古先生巖居時一食委形澹無營朝日
炫丹碧匪以斤斧成如何驕榮子騰拏列層城驅力超北
海逐影徙南溟誰能佐元化泯默有遺情

遺情在相思舉酒不得起永念編簡功篤志刊綺靡傾蓋
已云舊知我實知已送君河之湄凍柳光蕤蕤修途馬飛
翻少立盡瞻俟植德綏令名眠食慎道里
道里吾何能託身承明廬峩冠養淡拙清塵避修途驅馬
李陵臺望鄉問長鬚長鬚不能對吾行益次且羨君萬里
道晴霞起檐榆天山諒非遠椎牛植粉榆

月巖

峻壁飛鳥絕積鐵成臺隍感彼玉兔精皎皎芙蓉牀萬古
消晦冥六月生陰涼道人悟空习跌坐鬚眉蒼觀境不以
色湛寂回真光成虧眾妄集嘉名表其常松聲起萬籟朝
陽曙扶桑

夜集西太一宮分韻得草字

晝寂白雲淡聯鑣集瀛島南枝當戶生積素流羽葆孤鐘
息羣動獨鶴候清早石枰松影侵持觴俗塵掃春風散琪
樹頃刻光灑灑元談發嘉獎夙昔恣傾倒偶爾同心期還
山寄瑤草

史氏報春堂

白雲在屋角凱風生樹端下有慈竹叢低昂候平安盈盈
玉雪母光若赤瑛盤朝奉鶴禁恩暮承龜臺歡教兒誦經
史清言消綺紈築堂淡且明朱光映庭蘭寸心諒匪石寵
辱非所干世故疾危岌奉盈身愈完願言樹明德朝夕應
加餐

送于思容助教佐濟南廉司

黃鵠不可招越雞迺司晨圓冠璧水遊玉雪映陽春篝燈
玩太古垂簾避淡塵遙望淮南山下有白頭親平生汗簡
意朝昏具芳辛念之不得見顧影非我身檄書臺上來駕
輿還海濱晴風破遠浪慈鳥飛且巡雲帆蔽吳粟濟用懷
經綸爲儒究理道六籍彌光新空林闕幽蘭嚴霜養修筠
明德在謹勗雍容奉昌辰

天師留公返真空洞步虛詞十章以導遊

巍巍道祖居層構凌丹臺手持赤龍書八景剛風開感彼
下土人積劫何崔嵬偃伏永壽命夸誕魂益哀愀然彌不
寧招我雲孫迴白鶴俯前導青童戒俱來

嵯峨金碧關神魚伏淡淵呼吸空洞炁子夜朝諸天頃刻
風雨集咫尺星斗懸長嘯千仞溪寥寥生紫煙飛符戒神
魚歲久助汝仙

元圃饒奇觀陽葩霧霏霏玉壺湛清冰瑤琴銷金徽混沌
合空洞絕此見象機松風代揮塵縹緲白縠衣興移暘烏
逝節弭川虹飛棋局儼未終白日何熹微蓬萊迺故山爲
我一來歸真風詎永隔神光澹依依

崑崙鎮鼇極鬱儀交結璘故歲非我歲寧復論秋春稽首
三天師彌綸返真淳精思彼嘉生雲施均萬民至感發自
然不著亦不嗔運世有通塞六龍無停輪洞章激微吟長
樂自在身蟬蛻迺清淨跡絕虛中塵

挹秀輦醴泉蘭馥鼎初調絳旂開景光下招徹紫霄連蜺
靜夷猶感彼父老邀司命二十年守素澹不雕蜿蜒澍周
原曩屬尸江湖瓊章遏清詠丹輿導逍遙視之不得見白
雲在山椒

南嶽雲輪困英英生紫華靈游澹無蹤來集玉斧家元螭
有遺跡望斗紛騰拏鞭撻隨三光服食制五霞上經永授
之火鈴從飛車

嶄巖陽平關古松化爲人千歲永不飢食之朝帝真中有
一寸玉寒光敵金銀上結三元炁下援七祖神舉世尊禮
之靜念通至仁

雷城平蕪連雲淡樹沈寥磅礴經濟心永劫常不彫河車

孕長命方瞳生本條瑩如珊瑚枝粲若翡翠翹諸天成唱
恭贊我玉晨朝人間倘再至元化助神堯

仙巖鬱寥寥石倉貯餘糧云有狡獪子用物能陸梁山花
聳寶髻雲蘿曳青裳永念斷真妄帝令淡且長境化道炁
增變滅始真常參差應虛牝羣峯屹相望月落杳然去泉
鳴玉琮琤

朱棗何纂纂碧桃何團團感賞千古心生世常苦煎元翁
敞珍館金母和紫鉛三咽生羽翰空飛集諸天道炁常流
灌眇眇復緜緜桑田海波滿彈指三千年

大名劉節婦吟

孤鶴不累巢離鸞不飲溪溪明難爲影巢成誰與棲飄飄

無根雲流麗如虹蜺下有貞松臺白日晝且淒我思徹霄
漢冥邈不可梯青青東園柳子規當樹啼來者何用歡去
者日以迷擊石端出火擣辛能作壘妾心倘未明請看井
中泥

育王琪禪師示寂二紀嶼上人回山中因寄塔主

石塔累荒土月落冰棱棱永懷跣趺叟松風吹不磨山房
舊淨供素壁一枝藤語寂絕禪觀機淡超祖乘擊石迸新
火諸天化爲燈上有白玉峯丹梯杳難登黃流鉅野漲虎
嘯懸厓崩斯道倘未泯微言足按徵

胡止水家三衢自言文定裔孫來京師三年念母

以歸前述家學三篇以相勉復成一篇以遲其來

武夷春秋功憤激渡江主寶書恣殺訛竹簡錯編組素王
魯諸臣舊史足徵取是非紀其真曲直粲可觀紛紛燕說
徒誣蠆增巧妬日月例愈淡災異說彌蠱或言九世讐晚
歲進吳楚羣公骨已朽聖筆孰與語坐曹徒淡文曲學日
旁午苦心抱遺經願言復師古

泰元積磅礴日月佐經緯煌煌往聖學鈞考合表裏大道
侔元功不偏亦不跛至靜貫幽顯萬變集蜂蛸漢儒闔其
端逐物失聽視旁行分戶牖蔓說糅涇渭緬惟五峯翁正
色直如矢謝彼憧憧徒感物志愈肆室虛生至和鼎渥實
珍味歸求真吾師勗哉蹈前軌

神京鬱嵯峩冠佩清且揚祕丘積縑帙瑣窗爛琳琅有客
願從遊永言觀國光或云是鈞天九關嚴且防朝望羣馬
入往來間成行彩鳳鳴聲悲裂臆思絕吭知子親見之素
心益徊徨希名養簡默勿爲眾所傷還家拜慈母祝以永
壽康春風戒重來歸雁同翱翔

贈餘姚岑易直登第歸里二首

束帶登玉署鵠袍立參差筆海春波融沈鬱流奇思俳諧
詎素願阿世非吾師寥寥天人際載牘陳雍熙媿青昧正
說擬元騁荒辭劍鼎有至味酸鹹異其宜有客奉瑚璉願
言播聲詩初歌元鶴舞載歌鳳來儀

東浙山水國冠帶連畦畛清門徭役空華屋詩書泯晴江
修竹宅燈火敦孝謹下幃論唐虞浮榮陋朝槿擔簦京國

游射策疾飛隼精思坐待旦古巷絕遊軫蒼松蔭婆娑丹
芝疑蠹菌乘時足變化樹立在修敏

善之僉事兄南歸述懷百韻

竝轡承明廬荏苒十七禩陽林集總翠奧室麗文綺寶函
龍鳳章玉佩鷓鴣峙泰帝興鴻文奎壁憲天紀榷楠購羣
才弓帛徵四起番番古遺直正色論道理淡幾虎生風神
契魚在水三光密轆轤一札見萬里雍容丹地近經緯審
國是霜奩賚黃柑冰盤錫朱李蒲萄與法酒承燕時漱齒
俯陳天人際齟舌眾披靡始言官高卑予奪慎其軌終言
瓊林資海寓極鞭箠儉情曲如鈞讜論直如矢或以首鼠
窺或以妖狐伺奏終慶雲開再拜玉色喜天青回海雁萬

柳色蕤蕤屬車度居庸整隊行過蟻老臣汝居守清霜慎
容俟秋風龍虎臺帳殿紅旖旎前驅列鵝鸛後御肅犀兕
分行獻瓜果傳醴復長跪念昔詞臣功咫尺寫天旨大令
追風雷小言媿蘭芷約制如竟寧渾噩回正始告廷趣揚
麻建社追賜璽摛文具明訓援筆謝填委飛濤捲天吳歷
塊超駮駟咿嚶恩澤侯過手直三褫園上導景化祕祝陋
五時漢皇禮鄒枚食粟倡優比遺恨存至今文俳等方技
緬思周廷彥勢若鹿角倚懷忠牖納約凝命鼎出否追琢
羅寶尊刻鏤羞玉簋朽索馭匪輕淡淵涉無涖煌煌金匱
書世守司馬氏春秋尊爲經不復繼魯史朝光鳩鵲明千
花爛朱蘂松風轉回廊蒼玉振徙倚龍荒啟神武九域極

芟薙羣公儼侍御挾矢佩象弭臨河誓剖符披圖開賜履
永言卑退全罔以強力恃獻功上王所百一存寶度龜趺
負穹石浮語極褒侈墨兵勦眾妄筆獄破積毀載筆非無
能終歲不滿紙坐曹心靡寧愒日賴有泚清談雜諧語陡
覺兩曜駛自取木雁中俛首供諾唯交章日輪困涉署絕
臧否或云以彙升拾級上堂庀或云選清望後至實奇士
迎塵馬交趨候門足爭累冥鴻天機淡卻立賦三已總角
勇志道奇服曳芳苳澄觀竹素園讐勘徹昏晷儒宗丈人
行聞欬輒倒屣淡湛皇王學揮手謝青紫辭卑相如賦操
擬靖節誄淒涼五公裔澳忍羞筮仕孤音歎寡和激石轉
商徵浮雲蒼狗來黽勉渡江汜湯湯黃河道桑棗日淪圯

耕童戲殘鏃一一古戰壘霜叢射新兔春蒲貫王鮪荒州
靜無事拍手歌于蔦枯灘鐵槎牙積溜玉迤邐太史非好
遊所歷廣聽視振衣入閭闔姻契論不鄙相期在霄漢薄
祿慎礪砥趨朝曉同班退宿昏共止填膺雙髯張快意竝
手抵談經陋芟茲證字窮亥豕斷絃接麟膠滅跡問獺髓
愛兄靜以絜振鷺立水沚霧淡沐元豹日爛粲文雉鏞鍾
倡鴻聲眾樂奏立伎向來論交意瞑目謝諸子出處今不
同評議實相似維吳稻蟹區民俗久瘡痍貧檐蒲稗齊富
廩上嶽庠傾金恣聯絡所至各關市令儀養叨憤軟語包
詐詭郭解都中夷景氏關內徙坐令襪襖徒終歲力耒耜
興文植清劭省罰厲廉恥重華政垂衣化俾風俗美行行

度東魯野水足荷芰微吟數魚網薄睡倚烏几漁歌起微
茫逸興舟戒穢人言居移淡嘉橘化成枳不見千金泉一
畝夷齊擬離羣增幽憂溽暑積滯懣登坡帽低昂跋馬益
遠企管鮑非利交金石誓生死着鞭誅先之稅駕亦逝矣
共享黃髮年斯文永綏祉

題張中丞東亭圖

舊墅習真隱新亭幽且妍芳菲家林春引眺增推遷令德
資先猷嗟峩白雲阡總角精典籍承顏綺襦鮮寒泉感逝
波喬木矯蒼煙欲論林間趣淡掃區中緣招攜舊鄰保舉
觴問華顛雞鳴柳陰直魚跳水紋圓開田穀盈囷種果花
滿川荏苒白玉京念至心惘然傳忠匪懷祿立身盡貞堅

披圖耿素志功成賦歸田

曲陽李孝子

寒雲生秀嶺朔風盪修林烏兔日以馳幽翳增嶽峯朝看
壘頭柏零露珠淫淫有饑不能舉有酒不得斟綵繚月下
衣淅瀝壁上琴登堂痛躑躅審象陳輿厥重華古孝帝五
十猶素心坐令比屋封表里存遺音立名在樹德戚戚非
所欽嗟哉曲陽生束書振華簪

送趙虛一道士降香南海諸名山

往從虞伯生
降香成都

振策峩眉巔身輕瞥飛鳥懸厓飲崩流側石穿暗篠高騫
蕩心目每恨所歷少捧香南溟使絕足騰馭裏龍淵明珩
秀恍惚百靈皦乘飈訊八公挂席招五老巖光候陰晴水

氣變昏曉神君層巒倚商祭通杳眇念昔結空寂厓厂絕
登眺希彼巢居子寢作止林杪鍾鳴驛吏動危坐萬籟愀
餘齡水赴壑歷塊跡電掃韜精習澄觀俯矚八紘小

屏山堂

賈星化飛魄脩纖屹青冥何人媚幽獨喻物傳真形想此
宴坐時參前平且寧朝霞紅冉冉暮雲白亭亭中立羞卷
舒廓寥慎儀刑君子法至靜處身視行庭古聖儼未忘觴
豆爰有銘茲峯合混沌胡然命爲屏天空月當戶陰風走
山靈

題輞川捕魚圖

洛口疾如箭駢頭頰尾鱗散網巖隈泊千漚水花勻輞川

蓮社侶百味不入脣時危涉飄蕩急管悲青春不如漁師
樂風水候昏昕連檣坐翁媪茗糜接婚姻永謝朝市客炎
涼生喜噀

子昂墨竹

高風法清聖直筆師素王湛湛元雲姿靈籟生幽房解珮
白玉京誓將泛滄浪所懷歲寒友臨分贈琳琅

可竹軒

種竹水邊宅岸幘晞餘清湛湛元霧姿匪以介自名條達
辭黑墳英光表朱明寂歷巖下泉旋轉空中笙神交習真
靜恬養忘虧成南國倦溽暑鬱陶起淡情展席臥其下仰
見疎星行始悟晉諸賢嗜此誠遺榮我家十畝園新籜流

珠纓邈然送歸棹矯首蒼煙橫

子昂雙木竹石圖

朔雲盪空輪羣芳益搖落老木競且嚴化此雙鹿角粲彼
江南枝歲晚彌卓犖或言石五采服之混沌鑿威鳳招不
來虛聲起阿閣

以劉士先子墨贈薛元卿

虛堂集萬竈高下旭流螢寒膏玉蟲綴幽光耿晶熒巡行
蟻旋磨龜手日不停範圍金屑精膠羈桂杵靈劉氏祖子
孫妙訣通元冥沈沈緝熙殿函封英露零龍牋掣鯨海黯
淡松花馨往事歸逝水殘壁傳千齡雲館道氣寂守黑淡
儀刑散髮結瓊章研摩固幽局持此以遠慰點翰補黃庭

飲酒雜詩十二首

春至舊疾作晝眠聽禽聲總角耽六籍萬化何縱橫觀象
太極初始悟無虧成環中祕靈根羣動一以貞吾欲乘彩
鳳截篁以爲笙上窮崑崙渾下揆渤澥清
夜黑雪初白高臥益自怡起看庭前柳冉冉青春姿長松
在西山鬚髮流銀漸豈不念歲苦老壯當固持事至勿獨
戚時來詎人爲得酒且淡醉淵明果吾師

京師二十載酒中有淡歡大雨卽閉戶朔風嘗解鞍客至
輒笑之是豈宜居官振容筮神著鴻飛漸于磐百歲苦世
短萬鍾非我干所以東方生吏隱神益完

陽鳥乘南雲飄飄振奇翮迫此梁稻謀居移遂成客愧我

食京塵誓墓志未獲雙峯十丈松下有千載魄當年侍蓬瀛香芸森寶冊高齋集遺編朱墨猶手澤戰兢愧匪承永念在行役

少欲觀滄海下取珊瑚枝穹龜負元文靈鱗揚朱髻盪舟不能往寶氣時紛披有客方壺來授簡雲差差一以參太極九以師庖犧振衣海神泣舉觴山鬼移

少觀五嶽形五性各有殊神州養溪知百靈受馳驅申申安樂翁定洛爲中居契孫乃九遷舜詎平陽都神京屹金臺五雲玉芙蓉始知天經旋積氣爲堪輿

家鄰天台山云有二子巖巍峩太古石纖脩矗雲尖上棲西竺僧雪色垂鬚髯二子與之遊作詩清且嚴乳花散瓷

甌瀑布飛銀簾醉醒夢見之謂我何畱淹

南簷孤生竹歲暮柯葉蒼豈不念道里因之摧雪霜夷齊盧龍居胡爲乃名揚入水蛤有文踰淮枳彌芳受性諒匪移臨風酌吾觴

弱冠不飲酒篝燈橫玉繩或云酒中趣湛湛浮雲蒸棄書試其言杲若烏輪升天根轉晴雷堅城爲之崩妙言粲瓊屑逸興追飛鷹醉鄉儻可居無功乃真朋

醉中發莊語爛如錦中花急急抱蘆雁肅肅投林鴉欲別意淡省瞑目不復譁愧彼獨醒人揣摩生咄嗟下馬暮入門雙日含飛沙醉者忽復悟振衣正烏紗

江梅生空林歲晏美無度挈身踰朔易塊獨此室處瓊房

望朝陽耿耿不得語雕籠粲珍禽悵望秦鄉樹爰居東門
止盛饗非素茹臨風嗅其英雅志懷故土

嗟峩白雲阡種松在山腰散之不盈掬離離如麥苗迎陽
漱靈津參差拂雲霄露重碧天淨元鶴時來巢俛仰二十
年鬢齒日以彫寄聲謝元鶴相期躡岩堯

劉氏義門

芸閣寶書輯靖言絲外孫感彼南山豆淒其北堂萱昂昂
壽母懿槐柳植高門潛夫豈無論莫述寒泉恩時康廣女
史願以銀管存

述郭楚望步月秋雨琴調二首

明月當清空流光滿西墀振衣獨徐行耿耿長相隨我心

如明月萬古無成虧偶逐區中名遂爲塵所欺抱影長夜
吟別鶴同離思行矣歸故山元結幽期幽期永勿諼長
嘯彈朱絲

欹枕絕幽夢臥聽秋雨鳴寒葉不自持撼撼金石聲清商
蕭萬物此聲何不平寤歎生遐心夙昔羞近名千金隴頭
客荏苒朱顏驚此夕秋思淡斷續難爲情載歌招隱辭臨
風寫餘清

送吳博文歸天台

中年困菽水絕足萬里道舊家天台山清夢嘗草草秋雲
起晴姿思逐冥鴻矯三年鄞江上微祿紆素抱緬懷揚雄
宅古徑雜幽葆童年手種竹翠羽插雲表還家恍南山訊

俗憑舊老清名天所闕投冠詎終保鳴鞭踐修途置用實
國寶英才翦春葩醇語酌清醪解榻定有人行矣趨徵召
青蘿胷寒猿淡啼怨清曉

送人之官遼東

昂昂泰湖槩直上遼海東層波起青兕出日搖蒼龍中有
仙人島卉服雙碧瞳手披古墜簡返真極彌縫季世日以
漓神功貫鴻濛維聖居九夷駕言挹淳風眾情習近慕飛
塵哆青紅觀瀾悟元化白雲澹無蹤遠遊豈不樂感悵非
終窮

得一齋

清齋不知歲尸坐觀芸芸神珠護靈淵厯落光景分先時

謹橐籥執機合網緼淳音出虛牝百靈愴無聞九關肅夜
令星斗森元雲永玩泰始體握之密成文緬言延年士服
食爲奇勳寶氣倏消蕩纍纍竟丘墳念此意愈冷幽居匪
離羣

次韻蔣遠靜二首

陽靈貫奇璞棄捐荆山傍悲哉三刖翁炎空泣飛霜此寶
不復試襲緹迺淡藏百神靜護之石老日月荒峩峩五彩
雲散爲白虹光追琢在所用持以登明堂
猗桐生空林繁陰闕道傍永斲雲和器十指凝冰霜元鶴
何方來鍛翮感摧藏合爲清商曲行雲渺荒荒素心諒平
和鑒彼明月光置彈集吾聽遺音在高堂

次韻鄭景尹二首

弱歲拾琪葉耿耿金石音遠爲關河遊眾嗜非所欽曳裾
入承明寶策紛珉琳秉筆直塗竄嗒然養書林維南有佳
樹寸雲出遙岑遲之不可來辭以道里淡跂予匪朝夕盟
言在茲今

層臺望秋林華樹在其顛上有青樛枝爲我元鶴延良時
豈不感盤雲復迴旋瓊英失零露百卉爭忿悁願言保遺
直勿使眾蔓纏一歌以慨慷再歌朱絲絃

再次韻

潛魚護嘉鱗雛鳳含淳音束髮勇聞道執御羣公欽痛哭
悼賈生敏給卑陳琳荏苒歲月遷廁身羣玉林飛塵化元

髮所歷多崟岑精衛有猛志不畏鉅海淡遺聞理墜簡修
名匪垂今

古有惜陰子觀日扶桑顛雞鳴起中夜紅光朗流延吾欲
挽其馭與天同左旋志士不並世寸心增結悃神澄水鏡
淨世閱微纏鄙語雜謬誤奉身直如絃

觀圖書次韻景尹

少遊竹素圃學道希心傳祖德允遐聞履冰凜求全素衣
入京洛飛塵浩難湔車書煥皇度末技期雕鐫稽古在簡
要敢侈三萬言煌煌羣玉府遺跡森炳然滄波蓬壺島古
石仇池天方諸變毛穎寒暑隨推遷感彼傳翫數寸心獨
悲悃淒其衣冠聚拱木思昔賢羸金白雲化青箱游蠹旋

寥寥均天夢，髣像追四懸。尤物詎足貴，尙德庶永延。愛君
闕神珠，出水復媚淵。六籍儼遺訓，精思貴誠虔。一撫元鶴
操，以賡雲和絃。

次韻廬山黃伯玉東漢名士十詠

食肝不知味，詎爲口腹人。紛綸五經學，講道踰八珍。古來
植名士，殺身以成仁。念此七箸微，少忍非傷貧。高誼動白
日，正色凌三軍。仲叔固義士，井生乃天民。

漢季日頽靡，莽莽蕭艾叢。孺子南州彥，獨立風雨中。爾爲
故人弔，斯道萬物宗。湛兮如止水，脫焉如捕風。儉德良辟
難，栖栖何爲容。耕稼詠典籍，食志非無功。

叔度長閭巷，奉高獨先知。盛德眇莫名，鬱爲時所師。朗陵

一邂逅，此豈髻亂兒。幽篁抱靜節，游龍隱淡陂。至今百世
下，清風散肝脾。仕止適天運，不喜亦不違。薄遊河南道，還
家復牛衣。

力田南山下，久卑不學恭。每於風雨時，執禮夷踞中。甑墮
迺失聲，此意人所同。厲行名益彰，無懷道之宗。郭公果善
相，千載我欲從。

伯鸞事沈冥，作勞賴仁妻。身隱不願文，更治山中棲。浩歌
五噫詠，麥秀何淒淒。遐征詎遊觀，鳳鳥不復來。羸博慕季
子，居夷法宣尼。幼無適俗韻，與世非寡諧。至今青青冢，猶
有烏銜泥。

古有逃名士，洗耳東海東。韜精事肥遯，浮雲藐王公。被髮

清容集卷四
四百〇四
或佯狂垢形滅其蹤季世事標榜紛紛競罹凶所以康伯
徒邈焉不知終

幼安家北海流徙來東冥一帽常掛頭破席屢見經六籍
躬揆微眾說紛聚螢老非諸侯客何至三公庭華生竟天
折管子終康寧

龐公老江漢性本愛居山採藥山北涯歸鷗送之還青林
酒一卮白日茅三間時許眼中士非鵠亦非鸞性不耐束
帶矧何貪王官似憐牀下子崎嶇卯金寒靜性閱變化道
充身愈安乘風學輕舉寒蘿杳誰攀

中郎天外鳳北海人中龍鳳以五采萎龍以有悔終失身
匪素志尚言乃真窮舉世習元默脂韋爭長雄之人佩瓊

琚肆言刺羣公落口掇真禍悲來事容容蘇公起淡悵巒
江盪舟中

荀陳兩家子龍鼎合雜彝昔嘗窺其圖一一無吝疵空巖
古桂樹崔嵬匪今茲想當下車時羣雛古威儀行酒拜滿
戶入門揖當碑惜哉或與羣巨構頽其基

我家司徒公清德炳漢朝盈盈丙丁綬煜煜左右貂謂此
非世美脫去孰敢招榮木固同根其末千萬條勁節或峭
正孤吟或清寥世遠人事疏耳冷心志消瞻企法天運盛
衰感江湖束髮六籍功矢言期久要詩來振遺響縹緲孤
鳳簫前修果未沫百世詎云遙

觀真文忠公畫像

羣賢輔絕學嵯峩武夷峯熒熒方瞳光汲汲汗簡中緬懷
文明初蒼珮極匪躬執筆侍玉署妙語工彌縫飛塵變蒼
狗潛淵閱游龍空餘經濟心勞徠飢飛鴻濁水投神膠揚
清迺奇功喬松不竝世寒飈轉秋蓬生世我已後正緒遺
顓蒙惕然拜公像斯道非終窮

曾大父樞密越公嘉定辛未與先生同官奉常寶慶
初同為侍從先生被黜先公亦以論邊事去國獲拜
遺像併識於後

王忠簡公嘉定入朝曾大父越公獲隨班著暨端明
公嘉熙間以西山先生門人敬歷麾節先公則已捐
館榭向遊學婺女得拜端明公之次子令尹道家世
遺事纏纏不絕口今復見其孫申伯于鄞喬木摧落
梅淡為此懼瞻仰西山先生遺像因敘事契併以自勵亦以勉夫申伯

陶道士心遠齋

少秉上壑志養真事淡寧清晨脫章甫習道誦丹經熒煌
金碧居明霞敞殊庭逃形託榮觀漠然守心局矯首西南
雲飛蓋垂流鈴八表散清雨歸林何亭亭緬懷靖節翁舉
觴日沈冥之人靜且修奇服養遐齡長松舊云植秀色日
以青素心靡違只矢言寄山靈

寄題郭靖州綱齋

靈曜動橐籥萬物俱光晶湛然齋居子韜精獨沈冥飛梭
織翠霧層冰瑩疎星製為蟬翼衣無華靜儀刑愴兮神君
來不笑亦不頰一以卻氛垢一以永千齡我欲從之遊車
音振泠泠

清容居士集卷第四

清容居士集卷第五

元 袁 桷 撰

古詩 五言

為顛川連教授賦梅城

棱棱太古根縈帶鐵不如飛塵望其藩卻走奔無餘中有
冰玉人指揮萬瓊琚低昂受其職補理成扶胥天空斗搖
寒令嚴察孤虛練袍立清夜鮮明映犀渠積雪誰為驕慷
慨紛模糊陰陽本一氣開門使之俱險絕貴有道面壁非
吾徒司晨起視旦蜨夢方蘧蘧

泊貫州次韻仲章

沙塵暗河津遊雲蕩無餘忽忽萬里念眇眇孤鴻俱風水

淹行頓異縣非故居雞鳴逐前邁殘星澹遺珠空林野氣
肅古樹慘不舒飢禽何其悲驚飛挾鳴雛迺知俛啄意愧
我將焉如道遠怯驚隘終憶山中廬誓言息機事解纓慎
馳驅初夏鬱新滄永日誰爲娛因之寫初志臨風復躊躇

次韻呂學正古意二首

初筵秩嘉賓容氣清且明至饗不在酒尊罍粢東榮傷哉
崇飲徒偏宕四坐驚中有獨醒士覩然愧非輕持觴懼濡
口孤吹幽風鳴永飢詎遺禮俎實期充庭
苦心嗜昌陽古澗香莫識之人遠持贈藉以五色石密節
懷勩章寒暑端莫易三咽迴中腸起止良得力舉世希妍
英椒蘭政紛職慎勿強嗜之軒泉澡其德

次韻元復初春思三首

凍樹迴青陽羈禽競新哢喧喧人語浮稍稍春事動澄心
絕芳華小睡足幽夢夢覺天宇新朝光集飛棟
遊塵逐平臯秀色翳榛莽油雲互東西鬱抑不能雨昭蘇
在元功竟夕復延佇何當抉其巔振翮窮委羽
遠客芳草思湛湛天外舟坐令親知疎低徊此淹留古樹
擢奇石清流匯芳洲素心諒有在胡不爲茲遊

雨後聞鶯

眾卉沐新雨幽光澹餘情岸幘碧窗冷卷簾白雲生起坐
調素絃促軫流鶯鳴似言田家苦招我田中行昨宵殷其
雷願言興滿盈

送李德隆經歷其父居澧陽因乞郡江陵以便省養

悠悠澧陽川飛鴻去無極白雲眇何方抑鬱萬里色念之
不得從肉臂誰爲翼翩然領南郡解此終歲憶楚宮昔壯
麗冠珮列瑤席瓊英輯佳思落筆洒金碧淒其千載下正
氣堅鐵石想此問俗餘酌酒追寂歷平生功名意甘旨惕
朝夕懷章遂其初居夷亦云適藝蘭襲孤芳種橘企嘉植
永言區中塵過隙殊未息

節婦吟

爲蒙氏作

幽蘭淨如洗晝靄桑麻墟天低泣清露因依護紛敷春風
遠相負迺在萬里餘明月流素光願鑒夫君裾荷戈力行

役誓將保無渝難以一意勸永失千歲娛

蕩蕩明河側雙星隨斗移會合靡有覩恍惚生怪奇古意
不復識今情益多疑契闊三十春百年以爲期白首一邂
逅孤芳秉華滋感此初意淡臨風託長辭

次韻范德機海鵠篇

黃鵠海上來逍遙遊帝所寥寥九萬里五采紛異覩朝霏
西山霞暮結平地土喧啾舞晴翠鵠首不復頰孤鳴者何
禽振翮亦遐舉愴兮邂逅之落月耿清侶芝糧產層巔蘭
珮在遠浦八表同其光欲言淚如雨臨分致黃鵠出處各
有許方壺渺麟洲輪困爲君佇

送任懷可

踏踏水上鳶游游金中魚鳶飛不得息魚响何時蘇興言
夙行邁晴秋振修途挈衣海上州出日搖珊瑚采瓊以爲
糧拾羽以爲裾妙顏感芳蕤流光耀陽鳥盛意勿復沮清
氛靜無餘維南有英雲矯首出門初團團御飛蓋隨君爲
躊躇勗哉植明德含章俟昭圖

同復初功遠飲仲章家觀芍藥分韻得一字

淡沈碧雲居錯落紫瓊室芳菲護餘春清和表昭質高叢
吐駢剛新茁角繭栗傾心愛膏露正色浴初日含香紫宸
朝奏舞彤庭佾駢頭澹無妬背面意愈密杯翻王母下斗
碎壯士失霏霏玉生煙漾漾珠吐液絕容第無雙薄醉飲
真一嫣然屬幽賞爲爾寫清逸

洛詠五首示洛人張孟功任大正

晴雲起嵩嶽變化如游龍感彼金谷人聚散同飛蓬縈紆
古漣澗百井爭汲春昔有陳思王作賦雕層空相望不得
語遺情寄冥鴻金隄手所植荒淫竟無蹤

三川鼎沈淪洛水以土勝如何羣英聚千載兵甲競仙人
王子喬吹笙白雲頂下視北邙塚今爲狐兔穿斷碑化灰
劫來者日以盛箕山水泠泠側聽發澗省

森森古名園玩芳納元覽澹然觀物翁欣至情不減看花
烏帽落秀色起晴臉一一卿相居舉觴雲氣湛尸坐寒暑
遺妙言天地範一去三百年寒松白雲黯

昔有好奇士絕頂觀海浪神泣肝膽翻興逸天地放泥金

與玉檢縱筆紀其妄茲山久寂寞着屐事幽訪太少何岩
堯兩曜隨下上彩鸞凌風翔疑有帝子降
經郭闡微言理窟洞元化汲汲高山叟反復窮代謝白璧
匪有瑕後賢極譏射麟經書薨卒外臣不以假如何莽大
夫簡牘得矜詫往聖旣莫從掩袂效喑啞

贈汪生

投簪事卻掃衡門無雜賓衝檐烏雀噪魁梧見斯人遺我
以琲珠神光絢嶙峋風雅久不作雄辭逞斷斷愛君春雲
姿回旋轉空輪飛英不受采積潤凝青蘋老我意苦短念
此情彌親疇昔侍金鑾挽士志莫申薦禰固百一視君鮮
儔倫先聖六籍功願言善彌綸辱贈莫能報清風響蒼筠

感興

明月不受采澄波偶成文壤壤元黃中至理孰與分南山
有琪樹蒙彼山上雲層陰闕朱光積潤養奇芬溪林葆真
素芳妍澹無聞昨來京國遊緇塵日芸芸永念丘壑趣攬
衣意如焚

題王眉叟溪月圖

水清不受觸月高不受浴空景兩相忌松風進虛谷之人
閱真靜引手還在目服之飛上天溪流淨如玉

書孝子卷

道旁拾枯松汲水作糜粥堂前九十母啜粥端勝肉人言
五鼎養形渥迺有辱擊鮮豈無具彼縑不敢觸乃翁三尺

墳慈烏爲之築亭亭忘憂花甘露手可掬花開醉春風百
歲初轉轂之士歡有餘之人何不足

夜泊城北有懷孫秦二學士

英英二學士黼黻元祐初功名軋姦黨翰墨尊寰區維昔
淮南邦風流藹清都至今舊文采老蚌遺神珠百年俎豆
廢荒城屹秋蕪黑首總論武舊老時言儒白雲去已久來
往今何如蒼蒼灌木陰曾聞駐瓊裾艱難視天運俛首猶
唐虞稻米竭秋斂芟餘歲儲白鷗眇天末蘆葦寒蕭疎
懷賢願有在佇立情躊躇

淮口阻雨二首

曉雨壓風力我帆同款段帖帖篷底眠晝日慘易短獨行

旣無儔欲去不得返冥濛水雲重寂歷榆柳斷淮流旣東
馳我行安可緩縈迂沂三义始覺人語亂艱難意如斯寒
鴉佇江岸

小雨不作潮餘清在春樹冥鴻歸興淡振翼美無度淒涼
舊如此荏苒已增嫵茫茫昔荆榛桑柘青幾許淮水去不
休歲閱今與古風雲合浩蕩我輩勞步武人言上水地沙
流半焦土行役儻自然春雲起飛霏

詠史四首

青青虞美人欲舞不解前漫漫劉寄奴醫國真茫然風迴
下相里寒沙起蒼煙徘徊古彭城亦復多流泉二者骨已
朽胡爲事春妍人生要垂芳豈託小草傳丈夫與女子籍

籍同悲憐

寰宇設天險圖書已周知鴻溝定疆理屈意陳卑辭永觀
沛公豪豈無懷土思羣雄亦鄉黨輕家迺相隨時來各忍
性不復兒女悲它年過沛宮父老垂涕洟井邑圖新豐雞
犬猶前時論功食湯沐故里俱無遺成敗論昔人興懷重
嗟咨

畱侯晚辟穀端有避禍意遠招商山翁不復爲漢計平生
老鋒鏑帷幄乃真智南宮論非諛意冷終有忌雍容視國
本孱子匪神器此坐端可惜欲言且淡慮代王豈不佳語
出禍立至羽翼從汝成矰繳幸我避百年願已足投老空
立異不見吹簫民功成終械繫

人言漢淮陰晚歲何卑陬英賢多混跡豈復論恩讐泊舟
楚山川緬懷意悠悠責人斯無難此意猶前修近世輕薄
兒流落曾相投飢來或乞食寒至將索裘一朝青雲上泯
默懷深羞高視絕舊好削跡同避仇當年睚眦意談笑能
相酬韓生固瑣瑣終勝青雲流斯人我非慕微言傲羣媮

次韻仲章初夏卽事

吏隱習疏曠晨起遺世情積柳含綠潤幽葵表朱明誰云
地氣高炎暑從茲生新潦變歊溽飛塵增墳盈養痾尋丈
內跬步不復行雲浮晚色盡平湖起秋聲炎涼在頃刻變
化何縱橫繕性合天和愧彼塵網嬰有懷金石交飛蓋何
由傾

城南亭

平生泉石意勝處時相關似聞城南亭層陰絕塵闌初夏
結清讌尊斝連珮環涼襟納虛白妙顏尊渥丹高歌互激
越白日虛且閒志適不願足後會期躋攀晴霞澹天末迴
首疑仙寰

讀范德機東坊橐

范子東坊居淡巷蔽樛木架上一帙書牆東數叢菊明月
照西山清夜勤盥沐學爲孤鳳吟非絲亦非竹陰陽合萬
籟逸響振林谷水花不受唾天衣那有觸玉署青裳枝三
嗅羞獨宿滄洲有真趣從此謝榮辱

武當張道士京師禱雨迴山中

古有巖居子抱朴尸元冥被髮空洞遊蒼莽窮帝青手持
九九文蜿蜒合揚靈維斗司其紐習坎鞭流霆良疇已懷
新燥露滋明星滌滌原野燄迴風轉塵腥無譁夜下令瞬
息不得停茲人祕元化長跪耳默聆崑崙挾潢漢紫霧噓
青萍元鶴滄以淒百谷奔零零浮侈不足慕趣使歸巖扃
天地古橐籥鍊一清且庭詭幻歲已暮願言養修齡

觀梅分韻得影字

月窟迴初陽瑰室習真靜淡居碧雲合澄觀白日永南枝
歷煙霧北雪辭嶠嶺蟠柯翠交加疎萼玉秀整三襲雜織
繪一漱芙蓉井浴鵠採其光寒蜂妬其影將養憂過分泯
默發淡省天空流蟾墮露冷元鶴警歌罷誰與言觴至不

復暹

送陳仲剛歸番陽

浩蕩南客心崢嶸西山雲憶昔登王畿縑緗集同文執簡
玉署側藻思抽奇芬明世合儒彥詎有楚越分羣姝嫉蛾
眉念至肝膽焚番江匯新田甘雨催初耘不念別者苦孤
翮誰爲羣重柳積翠霧酒盡不得醺扁舟鼓新棹晴川淨
芸芸

送薛元卿歸吳予時有上京之行

飄飄江海遊渺渺關河役燕鴻有相避客子無定跡南山
火雲高北山雪新白想此六月時相顧各動色埃傍青松
樹上有雙鵠翼愛君慎舟楫戒我專寢食擾擾行路難風

花亂如棘

有感

皎皎白面生長鋏學短長箕坐激楚聲大言響高堂有客
將止之反脣臂欲攘客退不敢言彼怒庸何傷盈盈百花
露擬作終歲糧露晞百花隕掩袂翻徬徨

董道士雷泉齋

淵淵養空洞摩盪升天行翻車震崑崙旋空紫金明下有
五采雲散絲隕珠英以彼一寸光八表須臾成逆順有正
性變合無流形火以明益枯水以堅始凝無爲合冲澹神
化凌上清

三月十二日自殿廬歸舍梨花盛開薄暮與陳汝

海花下小飲

兩人一百歲共飲三十杯雙花夾蒼檜天桃倚晴臺白團
燕山雪紅注天台醅振鷺擬高下遊蜂謝徘徊昂首冠接
羅捧心舞毬毬殘日凝餘霞迴風起輕雷不念影寂寂但
惜光皚皚珠衣點綴滅粟尺彌縫裁團圓粧奩巧宛轉寒
紋迴香淡妬紫檀色靚羞蒼苔幸茲豔陽盛不以塵土摧
凡卉工後先孤根靜栽培翫芳悟觀象擷英審掄材較轍
青紫場躡藉錦繡堆高差折腰柳逸亞橫枝梅慙懃識花
意浩蕩爲我開殿廬龍光動瑣窗駒影催相迎復相恨欲
去還相陪停雲儼若思落月寒如灰當歌願秉燭渴吻驚
恥疊

送祝丹陽使武當山

夙昔山水郡浮身宅冰霜迴首楚望淡乘車升武當上有
天一池夾日紅熒煌元雲起丹甲羣螭恣騰驤攀崖靈壽
杖坐石芙蓉牀琳琅徹迴鸞儼立承天香麻衣採芝叟百
歲鬚眉蒼授子以易知永視元運長摩挲古金人轆轤日
月光中臺古嶺萃天風振層岡揮手謝來者下土何遑遑

贈陳文翁求篆扁

往聖抉天巧蟲魚構瑰奇辛勤汗簡功淪落誰傳茲昂昂
子陳子掇拾靡棄遺清齋淨無塵素壁懸秦碑似欲臥其
下畫腹鬼神悲氣酣落長牋屈曲生妍姿斷嶂立冰箸迴
波捲蕁絲百幻頃刻成長鋒勁如錐解衣坐晴窗青眸光

陸離客喧意自寂手敏心相違遠憐李氏子自謂一代師
蒼徨大夫門筆冷情依依得非金注昏竟墮豪俠欺我家
竹石居甕牖迎春曦煩君作佳扁朝夕舒頑疲夜月走魑
魅晴雲鬱蛟螭高張駭眾客傳觀恐羣兒能事敢強迫妙
處通天機會須風日清醉墨傾淋漓

送李平叔之信陽

維昔文昌公幽蘭閟孤芳高秋振餘清百卉爭斂藏颯爽
眉髮古戟冠坐鄞庠歌詩闡溫柔宮商起虛堂絢爛五色
雲縹緲鳴鸞凰至今老諸生猶能記鏗鏘乘風侍金華蹇
謬懷剛腸諫疏納帝榻百壬斂妖芒年運旣莫從精爽回
雲鄉空餘子雲宅澗水猶湯湯永思古遺直江湖眇相望

搗來芙蓉峯喬木鬱以蒼巖然孫枝秀妙譽參珪璋投牒
山水州清溪趁輕舸羣公列贈語握手揮離觴我生識面
晚懷賢意何長慨茲衣冠冢葭隕飛霜交衢泣零落寸
心實徬徨斯文儻未墜龍虎回天章願言紹正學青雲縱
翱翔

贈徐中丞二首

南海有元鶴孤唳雲稜層天池不可下壓此魚鼈腥露冷
懷長飢慘澹舒寒翎空巖蔽喬松鬱鬱太古青喬松意何
悄陰籟驅羣靈下有散髮翁默誦離騷經妙顏粲瓊芝孰
視眸晶熒鏗然拔長劒神光發新硎倏忽去已遠元鶴空
晚晚爲言來何遲迴風起前嘯

見氏哀吉金紅鑪範黃鍾鍾成飾雕篋岌業蟠虬龍大鳴
淳以希小鳴和且冲高懸饗羣帝祥雲布青紅羣帝難強
畱一去三千秋張筵設尊尊庸錫南諸侯一擊黃鵠來再
擊飛雲收徬徨不敢聽亟以還中州師曠世本有左高悵
誰謀終然侍帝所天地歌同流

拙訥齋

樗櫟老薪樵雁以不鳴烹受形既非材卒莫全其生在昔
有至人觀化通百靈至言貫圖象妙思窺璣衡乃爲萬物
宗熙熙遂生成髮彼青牛君淡根護靈局永晒鄉原子木
偶欺聾盲設喻淡止之跬步增慎兢世路日榛棘韜精事
沈冥滄江渺何許願言濯吾纓

送鄴陽劉縣令之官宣寧二首

鬼嵬馬邑州火山蒸鬱陶霜勁角弓直草淨蒼鷹條平沙
細成塵迴風湧銀濤想彼強盛時馳突聲嗷嘈烽煙徹雲
表低昂望前旄樓煩古喉襟燕秦據其尻八月秋氣肅千
家釀蒲萄

帝京布文教列邑施官曹井屋魚鱗齊禾黍黃雲高幡然
土俗變帖首羞雄豪出宰試敏手良庖靡更刀善政舊謀
傳據案除民饕村村煙火通長塗罷建橐雞鳴流水遠雁
過平陂翺餘情樂觴詠臨風謝喧囂

題文與可風雨墨竹

妙筆抉天巧黑雲參差高偃疑受雨淡俊欲凌風翺颯爽

隨卷舒清涼散塵囂湛湛不受暑靈籟虛窗號緬懷文湖
州玉雪中豪想此旁礪時葆光解天弢老僧道機熟形
影隨目逃持以淡贈之生意窮秋毫高齋夜氣寂定回起
層濤

答李生裕

尚書大同
公會孫

英英金華伯皓首人中龍橫經古鄞水歌詩傲羣蒙舊為鄉里
教授歌風雅以訓諸生正色侍邇英微言動宸聰一疏不合意孤身
轉秋鴻俯仰乾坤旋舊聞眇遺蹤坐令詩書宅寒雲翳孤
桐維曾秉文度月印五采虹知我夙昔似贈言啟春容清
朝集文儒直筆書清忠作史聖有訓狐裘覩蒙茸挽士貴
無方正色誰為宗虛舟萬斛積遇順凌剛風明時詎淹留

勗德會有逢

題巨然楓林雅集圖

楓林集虛秋灑氣轉寥廓坡危草纖纖水露石鑿鑿四子
何方來黃塵滿苾屨據流濯其清班荆坐盤礴山童注新
泉支鼎拾薪籜方囊濟勝具一一隨取索想彼談笑時天
弢脫塵縛上追巢許高下陋山王薄淒涼金谷宴腥羶甕
雞樂又疑東山遊粉鈿汗花萼老僧習止觀雅趣隨筆落
振衣從之遊素壁儼酬酢

避塵軒

飄風捲飛蓬咫尺隔煙霧馳車與急騎憧憧走當路各云
有所之瞬息不得語山陽荷蓀翁守舍視日暮酌彼澗下

清容集卷五
三
泉膏沐美無度寒光映玉頰浩論巖中趣永謝征塗人看
雲養真素

次韻伯生榆林中秋

榆林月中來今月向此出天低鳥翼滅野淨田事畢驛馬
西北鳴候吏語喧唧我行起視夜炯若積雪白昂頭望元
宮耿耿駐營室坐令八方澄不使萬景沒徘徊清影孤躑
躑悵後發

送鄭景尹還里

蟬冕生詩書世胄迥鄙夷沈沈喬木宅風煙暗茅茨此理
固莫詰或言有盛衰堂堂魏王勳談笑帝者師風雲締嘉
會青史傳忠規諸孫靜且秀振鷺遊天池鄉社三十年永
謝紉綺姿興至來上國窺揆扶幽奇聞聞與見見柳下揚
鞭辭前聖六籍功尊聞審羣疑江源發甕口濫觴渺無涯
願持一寸膠黃流化晴漪天風捲秋濤舟楫慎所持時至
諒有得衡門詎棲遲

李野齋別墅圖

別墅依平陂翳翳桑麻陰田翁理農具晴雲起遙岑于時
春事初佳樹響鳴禽先生朝出遊呼童佩瑤琴仲也行比
肩叔也聲相尋興至或坐石臨流散虛襟有客攜酒壺勸
我手自斟共言羲皇時古風藹淳淡巍巍居仁里盛德世
所欽三鳳在高岡參飛起清音恂恂化卑讓歲往猶傳今
披圖儼見之慰我夙昔心

子昂人馬圖

飄騰天山霧盪摩玉京雲耿耿萬里姿矯首空其羣迺翁
愛神俊泚筆五采分翁歸侍帝所乘化觀芸芸彼亦與之
俱追風超九垓時松雪翁已
下世一年

題墨蘭圖

秉芳空林中介石交不黷飛英散元佩受露以膏沐羣妖
春炫晝墨守益慎獨豈不念歲晏自獻傷我足矯矯金石
交挽之不盈掬疏清湛虛心振直耿絜腹昊天有正令俛
仰萬物肅臨風獨躊躇白駒儼空谷

次韻瑾子過梁山樂三十韻

大野豬東原狂瀾陋左里交流千尋峯會合百谷水量淡

恣包藏神靜莫比擬碧瀾渺無津綠樹失其溪揚帆鳥東
西擊楫鷗沒起長橋篙師歌短渡販客止天平雲覆幕灣
迴路成砥鷹坊嚴聚屯漁舍暎渚泚柳絲翠如織苕帶組
交蕤出日浮鉅金明霞紆綬紫一畝澆腸迴三頰慰顛泚
高桅列魚貫遠吹生鳳背前奔何無休後進復不已遶如
林鳥旋疾若坂馬駛飄飄愧陳人歷歷見遺趾流移散空
洲崛強尋故壘波清鳧聚陣日落魚會市土屋危可緣草
广突如峙蓮根漲新圩蒲芽護荒坻水花碧團團雲葉白
迤迤濬修出飛泉闐闐撥故址緬思重華帝允屬夏后氏
彝倫著箕疇偉功傳遷史目力渺無窮行跡端可紀前村
捋柔桑沃壤接良耜餘芳錦堆爛宿麥翠圍侈迺知東魯

清容集卷五
儒終作中朝士養源匯滉養包荒納遐邇驅馳屢經過感
歎復慰喜南還幸遂願永雪洗耳恥

憶昔三首

憶昔白雲阡有松如車輪初日炫五采湛湛珠露勻是時
十四五恍不知其因有客笑指之慈蔭在汝身猛志親六
籍百川渺無津懷刺慎所從一一先朝臣文昌古遺直談
經鬱紛綸授以漆簡書經緯通天人碧波掣鯨魚瑞錦翻
麒麟昌歎世所鄙食之迺奇珍廁身金鑾中黽倪二十春
懼貽先師羞執筆常逡巡卽今已六十誓墓廬松筠厚德
靡有報淚與寒泉淪
外家甘盤宅門閤誠煒煌高懸金碧榜中有袞繡堂珠璣

左右侍絲竹儼成行幼不識慈顏到彼心徬徨每歲雨過
之嚴訓具有方膏粱病居養久爾生惰荒七歲誦詩書十
齡學詞章駁尋志學歲折節師老蒼紀事法班馬冥心契
義黃謬與時彥交寶書閱琳琅今茲乞南歸往事增慨慷
興懷陶與蘇秉筆追耿光凱風有遺思願言繼餘芳

寥寥帝王州我翁佐其治有亭名朝陽青溪清且駛旁有
籌邊閣羣公集裾翠翹翹萬芰荷雨過爭旖旎飛觴羽書
來翁霍江上燧戢冠極遊談戎弁生縱恣予時侍其旁側
耳聽論議翁言不見取投劾乃謝事坐令百萬客辨甲豎
降幟徘徊夕陽亭晉宋政相似

重巖圖

爲劉明叟
迺翁作

夙昔慕清隱振衣躡層巒飛鳥出天末白雲生樹端稍覺
所歷險撫松獨盤桓緬彼巖中人塵世靡有干飢食千歲
芝朱顏爛團團一日不見之披圖儼清歡崩崖冑枯藤迴
流起危湍微茫暝色共凌亂生綃寒心期果冥會願言力
加餐

王叔載以江梅有佳實託根桃李場爲韻見貽因

次其韻

百川旣東流震澤成三江學海詎有窮沂源揆敦龐緬彼
學古人善問如鐘撞簞瓢豈在樂樞衣願爲邦
六籍會有厄禍繇漢晉開支離起田孟誣僞興姚梅綿蕞
匪正禮區區存曲臺吟詠旣莫分褒貶以爲才

峩峩神京秀轍跡貫九有奉璋弁如雲執轡沃在手欲窮
羲黃心編簡滅科斗研摩詎無念急景謝衰朽

風雨乖素期山雞鳴喈喈豈不念夙昔愛此日夕佳平明
視青天羲輪御中街榮悴會有時願言壯其懷

高門淡寧翁晚歲悲絕筆愛彼樸樾才化爲榎楠質春花
五采妍秋至詎俱實遺文粹東楹賤子願敘述

昔聞中書垣上有紫薇閣微言續九共妙義追八索嶽岑
大厦傾作記金鑿託淡悲在廣招寥寥鈞天樂

少小不自持曲學尊蕪繁舉觴一醕之爲言護溪根先天
有至理能使月窟溫談笑襲師訓詎知雪齊門

斥鷃不能飛欲作搶榆高何如阿閣鳳守真始風翺志士

清容集卷五
惜短日碩人養屯膏蕭脂始薦鬯食黍迺雪桃
昔年委閭巷初不願祿仕紬書揆異同擬作前國史念至
事益非委命以修己勿爲眾所譏不如道旁李
君才如江梅不入桃李場徬徨念先猷貫鶴始挽彊後生
捕形影爭言早升堂唯餘白髮士耿耿無它腸

董生靈上人以叔載韻見貽再次韻

關河一轍跡耿耿明天江五方各異俗中州誠駿厖吾欲
上帝閻帝閻不敢撞終然返初服養佚歸海邦
遠宦三十年石田今始開觀象慕易京登真想仙梅夙昔
希匠石歲晚成輿臺志念詎不淡樸楸慙非才
弱冠慕靜居掩息空萬有老禪淡愛之微笑示以手忍欲

如忍事吸醯過三斗終然寒松勁不作朝菌朽

鞞帽成戚施逆耳風其喑昂然望南山愛彼日夕佳朝來
何所見萬馬盈天街所以巢居子終日養澄懷

辛勤下帷生涌思不停筆範鑪錫吉金變化銷其質湛淡
陋雕蟲多聞覈萍實袖手毋自藏盛世富紀述

噩師禪林秀宛在諸天閣當其調護時危石繫朽索作賦
極翦裁眾物各有託氤氳荆山玉洋洋咸池樂

元圃有琪樹不使枝葉繁譬彼績學人芟蕪養天根歲暮
霜雪至銅柯生晏溫一爲梁棟才落落懸金門

吾師淡寧翁屹屹泰華高佳晷時一遊不使凡羽翺方壺
貯神藥變爲五色膏服之生羽翰陋彼東方桃

稟性非好遊亦不願祿仕感彼獲麟翁歷聘刪魯史正緒
願有傳固陋敢私己年衰絕聞見謝彼井上李
少壯勿自摧振容上詞場鶉膏淬寒鋒談笑摩堅彊藉以
雜織羅貯以白玉堂辱贈莫知報因之結中腸

芳思亭

大父尚書公治圃南郊有堂亭凡十五方池修廊屈
折便宜雨甚亦無礙遊事逮今荒廢踰四十年故基
陳跡不復可考近築一亭雜植花木廣不踰畝髣其
萬一名之曰芳思玩其英華將以紬繹志興翰墨有
紹是則先公之志作詩示瓘瑾併求親友同賦
侃侃尚書公投紱理泉石五堂適寒暑十亭送昕夕瓊英

元圃秀美蔭嘉樹碧修廊不受雨來往隨履舄紅雲漲方
塘丹霞耀翠席嘉魚黃金掌瞥見眇莫測辛勤三十年淡
逝晦朝蹟遺訓示子孫樹藝比其德浮雲變須臾百刁倏
消蝕空餘鄭公莊耕稼給衣食緬彼行樂時眾植各有職
以茲一畝園髣像見疇昔幽葩與羣卉生意日不息朝陽
漱靈根三咽妙紬繹曠懷事幽賞誓矣躬六籍

次韻袁季厚惠苦筍楊梅二首

食苦不願餘甘回迺稱美空巖養滋味老叟清晨起斲之
玉箸圓拾以付稚子駢頭萃豪門咀吞訝金矢維時朱明
中盛德協清徵翛然在陰翳儼與松柏峙玉液生華池可
廢杜康祀含章守元吉黃中本通理絜腹表正性要以除

穢滓初如橄欖食不作卽且棄世方尙腥羶易牙正專味
愧我清齋客足音楚然似

空巖迸瓊珠蕭蕭白雲中恍疑羣仙立欲脫煙霧叢招提
者誰主日出撞金鐘笙簧激清濁旌蓋搖青紅遂令彼林
谷徵索恨靡窮侍臣久歸田不數蔗椀功頃筐遠相致齒
頰生冰風昂昂長松蓋下有萬馬容同源匪異本斯文永
爲宗

清容居士集卷第五

清容居士集卷第六

元 袁 桷 撰

古詩 七言

題高彥敬桑落洲望廬山圖

爲秋泉作

長江亭亭桑落洲一塔獨傲蘋花秋邊聲已逐鞞鼓盡水
氣欲挾漁榔浮謫仙騎鯨五柳老真景變滅隨沙鷗空餘
秦箏與羌管斷續不洗琵琶愁玉堂小窗解蒼佩宴坐得
意毫端收空青點雲碧痕濕方諸取月寒光流匡廬老人
在何許似覺領首相遲留佳峯稜稜鐵鈎鎖寸樹點點銅
浮漚要知翰墨灑清氣俗子政爾勞雕鏤秋泉山人息機
事青眼不與王公酬高張素壁凜太古擬跨獨鶴還磯頭

人坐江湖在適意底用絕俗埋林丘披圖覽古重歎息天際杳靄疑歸舟

秋泉伯生仲章梅叔章周儀之皆次余韻題廬山圖再次韻以謝

海郡列戍連沙洲榆柳插戟搖清秋擬從京國洗氛瘴黃塵復作煙花浮西山紫翠不可望但訝積雪如明鷗愛君寒齋之畫幅瀟灑不寫人間愁胷中丘壑我豈少奈此磊嵬難爲收宣城詩法挺二妙爛若玉瓚盛黃流永興天機愛神俊碧眼一顧羣無畱千年周子古風月袞袞亦散空中漚乾坤無言混沌鑿頗怪我輩勞鐫鏤沈冥天台老仙伯清坐自與廬山酬天青無人月色古縹緲五老疑駢頭功名營身旋蟻磨芻豢得意崇糟丘何當相從老其下釀酒一醉黃金舟

張彥清以復古硯贈友人因賦長句

高皇南遊倦鋒鏑宴坐清都賓出日胷中筆陣掃元雲時與端溪評甲乙平生紫玉無纖塵小窗寄傲茶甌春馬肝生寒出古色鵝眼獻秀憎妖顰烏號已去寧復得繭紙昭陵空悵憶猶餘舊賜落人間漆字模糊記朱色集賢學士胷次高愛此靜閱濡霜毫迺知貪夫罪懷璧底用長物爲神勞清齋持盃好顏色楚人之弓楚人得平生弟兄今始知一笑相看竟何惜蕭齋老人筆如錐松花蕩漾搖輕漪江南採菱曲已遠願寫紫府虛皇詞

金華曹道士白雲樓

蘇仙念母母苦飢化作白鶴時來飛我聞紫虛亦官府朝
夕往返勞天機何如金華有真隱築室空翠搖煙霏松花
麩蜜五鼎養丹砂汲井千年肥我生不識萱草歡孤身永
日懷春暉白雲在天詎可望遲子歲晏山中歸

賦廣帥平寇還

蒼梧之山利如戟五溪南行水如墨文身鏤面號爲人蹙
口磨牙時剽賊將軍手提丈二及匹馬直入深林居摩挲
銅柱寫殊績南人自此長爲奴檳榔快嚼端禦瘴薏苡不
將真避謗繡袍初賜簇金鷗聚米爲圖指豪壯萬里功名
非偶然輕身許國誰爲憐莫嫌儒冠守青簡能淬筆鋒書

定遠

謝王參議送練春紅二枝

玉堂老仙玩幽獨閉戶無人似初溲倚闌岸幘領孤芳
簌簌輕紅冠羣綠化工有意卑凡卉積李崇桃空眩目爭先
鬪巧等堪憐已向東風盡驅逐此花清妍淨如洗收拾餘
春傲榮辱何郎湯餅徒試粧太真溫泉空賜浴天然生色
鑄真態亭午低頭睡初足誰言花后最奇絕我怪酪奴能
汗觸嫣然一笑奉清懽莫把金樽歌別鵠并刀妙翦駢頭
來珠露淋漓袖新蹙似嫌凡子多京塵卻恨高人付流俗
微風澹蕩新雨生強拭愁容吐殘馥擬將色筆寫清意綺
語非工那忍瀆徘徊中庭月過半翠袖娟娟泣寒玉

題董簡卿瀟湘圖

瀟湘之水太古色煙樹空濛成寸碧奔騰日月轉銀丸噴
薄峯巒疑鐵石楚棹相將客獨聞楚歌欸乃人誰識望盡
蒼梧不見雲千古靈均空悵憶

絡馬圖

秋原苜蓿肥雲屯帖帖此馬和且馴屬車效駕豈在力愧
汗絕足追奔塵良哀不生造父往公子毫端意悽愴虞淵
逐日終飲河出門加鞭奈爾何

康樂圖

長安韓德卿夜夢至一宮室扁曰康樂因名其堂以奉其母

至人無夢夢乃真瞪目一視空中塵悲懼蟻旋水東注遺
珠罔象迷其津持蓋噉白逞詭詭取禾坐極夸榮貴不如

長安韓生道上眠念母還家枕中記紫霞之宮那俗書煙
霏霧結開雲圖虛靈變化在頃刻齧指疾應維心符城上
烏啼畢逋尾倚門獨占乾鵲喜萬里辭親真可憐書來端
有平安字

贈杜秀才歸省荆南

臨江種橘橘易朽滿籬積金金作奴何如遣兒束書帙姍
娜初服游鴻都從師之樂端解語暫作庭前綵衣舞會待
明年春水生雙槳如龍上天去

贈拙訥子

萬言不啻一杯水刻楮徒費三年功何如宴坐寂真靜木
末時數南飛鴻長安之衢塵幕幕願言飲垢如飲蜜鸚鵡

清容集卷六
四
三十八
作賦真有才至今江浪猶銜哀

寄南劍李士宏使君

水雲離離千疊峯海日如鏡行天紅使君新沐坐清樾筆
底上壑生陰風玉蘭之花不受觸日給飛泉三百斛高春
打衙人不來鶴立蒼苔動新綠

送任道士歸武夷

武夷之峯高插旻浴日離海朝爲賓石牀芙蓉迸膏露乳
竇醺醑凝長春陰崖怪壁鳥跡絕葛藟當戶苔鱗鱗神君
枯魚古籩豆曾孫毛竹今霜筠千年金骨幻凡目玉匣九
鑰光如新想當精思握宇宙魄質已化能成身我聞帝居
亦官府風馬泱泱空中輪愛君釣鼇避東海笑踏北雪鬚

眉銀寥寥空山太古水清夢入髓時相親誰言五色亂吾
目得意忘象那非真歸來元鶴忽不見勸汝速浣征衣塵

送郭天錫還京口

朔風吹塵著馳裘簌簌凝絮元霜浮城南泥濘擁車轍矮
屋夜臥鄉心稠暮春雪消花始放積柳婀娜沙中洲布帆
在手不易舉目數過翼隨雲流人言擔簦古奇遇邂逅一
見能封侯紛紛寸舌有榮辱智士縮吻成身謀愛君亭亭
日中鵠玉色已變扶桑游紫芝爲糧露爲醕北適瀚海觀
羣漚素書滿囊不干世磊落肝膽看吳鉤新編剪雲彩鸞
舞妙筆入木寒藤抽氣酣登臺望陳迹忼慨直欲微言酬
舊家鐵甕古城下春浪洶湧今悠悠但當清談且飲酒往

事寂歷遺磯頭黃鸝空桑子規怨椽實已盡榆根畱長河
滔天怒蛟走底用華表歸來愁江湖清歡眇去袂風雨疾
意催行舟人生會合定有樂念此別意空綢繆

燕吳閒閒冰雪相看

豪門炙熱熱如暑下馬還家汗流雨徒將嘖笑作清涼萬
事回頭總塵土那知道人玩丘壑一榻高寒閒栩栩碧雲
散作明窗塵妙墨還爲小山霧平生冷語出胷臆頗怪梅
花猶媚嫵崢嶸歲晏凜今夕商榷斯文共樽俎要知冰雪
本奇絕正色森寒傳太古我聞崑崙有至理陰火玉泉誰
解煮會須鐵石起風雷手抉元關破疑近人間寒暑潮去
來物外陰陽月吞吐閉門客散真兩忘竹影離離滿前戶

灤陽張節婦瓶中杏枝着花因賦

陶人妙合陰陽機凍壺頃刻回芳菲盈盈綠房綴冰蘂玉
蜨婀娜穿帷飛佳人蓬鬢不下堂手繡孤鳳橫匡牀寶刀
翦繪試春色翠袖慘澹顏無光烏頭可白珠九曲造物淡
知憐不足故應試此一枝春點綴扶疎驚眾目君不聞天
上瓢鬣龍平陸成波濤又不聞壁間壺兩曜瞬息如跳珠
齊諧茫昧不可詰爛目看朱動成碧張氏之壺如截肪真
火煉質千年剛枯根借潤表貞志慎勿語怪歸荒唐

仲章與余連舟而行仲章指畫皆不在人後夜泊
夾馬營余舟適先至仲章有詩因以奉戲

我船如縮鼈瘳僕凌兢空挽曳掩篷熟睡初不知晚向沙

頭踏新月君船如生駒追風破浪爭驩呼青春權郎紅蔽
膝搖唇蹙口歌吳歛昨宵夾馬營前宿大似天公憐不足
回帆望君君不磨出沒高桅轉河曲人生作計那可既誰
能盡已不盡智積薪居上東方愁相位還須跛男子憶昨
都門經歲除風吹乾雪塵模糊閉門擁被謝不出時人背
笑何其疎只今船行一千里萬事乘除總如此愛君玉雪
雲中英我歌作勞君且聽

蒲城孫世英編修父年九十四號嘉遜翁院長而
次各賦詩

蒲城之下嘉遜翁銀髮髡耳雙碧瞳少年流離老康樂布
領踏醉歌春風春風畏人屢歸去阿翁扶春春始住穿花
入市爭捧盃採藥還家共攜路諸孫青襦誦魯論寒燈夜
授鄰壁聞泥濊翻疑犢車險雪釋自訝駢裘溫憶昔種松
如指長俯仰鐵榦參雲蒼桑田變滅理固有底用化鶴來
還鄉只今翁年九十四萬事如雲日嬉戲迴首塵中輕薄
兒奔走流年竟何事

嶽麓圖

積石落落雲中礮冠以蒼松藉瑤草天柱修織立晴昊絳
霄雲璈誰擊考揚許之君顏色好冰綃爲裳車羽葆永愍
垢濁增札天湘波層瀾勢灑漾跳珠浮玉簸洲島一洗氛
瘴蘇眾槁爰築廡廡俛終老出門倚天心憊恹元穎浮花
落縑縞無跡空飛詫神媪肘後藏之五色縑念君別去塵

浩浩歸來歸來守其寶

送何太虛歸山中

飄飄兩屐山中雲青眼不受京塵昏意行扁舟本愛雪獨
去五柳猶當門人言江湖在遲暮立談雙壁非謬誤相逢
挽君君不迴落日蒼茫蹇驢去

同子唯賦水車

挈瓶之智誠有餘抱甕之勞亦良苦何人嘗巧抉天機河
伯逡巡魚鼈舞昂昂長身臥塍岸捲地翻濤敵驕暑誰云
龍骨化梅梁未信魚身作橋柱縈紆香輪過流水突兀雲
梯卷清雨橫陳歌板促紛綸倒流谷簾聲齟齬東家媿婦
顏色惡步步生蓮空媚嫵陽烏流爍汗成漿平陸須臾涌

銀乳推移燥溼意本同竊奪陰陽天所怒人言無腫能自
至跬步周旋路脩阻不辭滿眼看黃雲歲晚論功付梁杞
君不見田舍翁年年苦辛與我同天寒破褐厭糠覈仰視
屋壁知誰窮

次韻夏明道紅梅

江南徐生圖沒骨筆底妖妍等塵物此花絕俗避春風東
望扶桑入瑰室閬風羣仙笑清寂故遣瓊英侍巾拂龍肝
麟脯厭腥臊以斗爲盃飲真一嫣然乘醉下塵寰欲向晴
空舞紅雪崇桃積李行飛翻固此貞容莫旌別效顰不語
空捧心美好何由在粧抹懸知正色眾所忌況此纖穠逐
時節憶昨歲暮天號寒烟爛霓裳傲冰月誰言凍吻不敢

吐妙思端須續神筆飢腸雷吼空九迴勁氣雲摩難百折
人間好語詎有盡三嗅清香應倒絕

雪污齋

邢醫取靈樞雪者
污之之語爲號

有客飲垢如飲墨三尺之泥及馬腹平明對鏡鮮衣裳意
氣摩雲飛食肉清虛不來空慨慷願君勿走治其狂明窗
紫塵在吾鼎淨洗紛紛冰炭腸

次韻閒閒甲子雪

絳霄仙人雲作席宴坐元關已知白萬妃婀娜布青陽淨
掃巖疑驅伍陌飛霏散作平地舞翦綵寧爲舊時色西峯
秀筆眇何許似換當年銅綠格洛陽之人凍吻縮詩句那
能隨燭刻大鈞有意迴昭蘇至寶無華匪脂澤乾坤偉觀

雙眼明高臥元龍須百尺

贈錢唐吳月湖

棄右班
學黃冠

君不見後湖仙一官掉首餐神丹月明江上杳然去唯見
玉珮雲珊珊又不見姚將軍夜騎黑騾趨劔門飢來青城
采芝食童顏逸足追奔雲人生富貴那可必偷竊陰陽亦
奇崛陰符目與素書通赤松來歸乃真逸西湖明月不可
釣呼吸湖光月隨照要知心與月同明暫假孤光敵清皎
憶昔黃霧衝八蠻髀肉消盡口吻乾萬里生還真幸爾十
年老去猶淒然卽今落魄隨塵緣丹霞玉樹壺中天何年
輕舉化飛鶴歸視城郭同蒼煙

送趙君佐茶使

淮南食茗如食粥清曉烹煙出茅屋生來不識太官羊翁
媪相看夸不足連綱貢餘知幾春排檣接纜來儀真莫言
此物常苦飢船中估客肉常肥

黃臨汝以長句索筆次韻

寸錐飲墨工傳書千載妙蹟遺官奴寶跗綠沈不易致葫
蘆荆管那能無古來志士心獨苦採荻夜畫灰成圖書窗
歲月要有限作計何必輸人鬚中山貽君被羈束論功且
復歸韓盧柳家鈎鎖本新樣內史筆勢難爲徒遂令陳生
擅料事坐出妙語如擒俘邇來八法益疎陋雞毛兔毳爭
庭除姓名僅記政自可文采日泯終何如湖陰丈人古仙
伯舊嗜寶刻窺鴻都飄如晴雲彩鸞舞勁若暖浪寒蓴舒

丹碑翠碣已冠世所恨咋舌懷嘉謨竭來掘筆弄天巧下
視羅趙真有餘詩成醉墨作三絕寒室眩晃生瓊琚

題翠山嗣禪師雜花世界

寶田琪柯天上種一一五采相紛披淡根清寧出樂國
境變滅卑仇池藥珠駢頭滴膏露萼綠擁翠攢新枝陰陽
轉旋發天祕霜雪饗虐培靈基紫泥分封慶雲護緹室應
律溫風移初疑層臺閬仙下似笑移谷愚公癡側金布地
素習結翦綵眩晝神光奇桂宮斫斧古莫徵桃源展畫人
猶疑高禪息機月窟坐微笑彈指靈山來嵌空積鐵不受
暑垂溜挂練能成漪巧翻新好喻空假妙合頃刻窮施爲
溝塍衍平碁局布巖谷巉削丹泉滋流鶯弄晴逞繚繞幽

鳥觸影搖參差扶筇一觀定已駭飛觥百罰知何辭眉毛
猶存眼非眩意不落相寧無詞

贈劉醫行禁架術

君不見東漢趙生試奇術禁架相傳人莫測桑皮爲脯水
爲醪耿耿千年猶廟食事見後漢趙炳傳今台州土神是也又不見葛稚川
遠窮句漏思得仙辛勤纂書集奇怪金創一映完如前古
來長生氣爲寶踵息淡淡神不老可將呼吸逐凡庸辛苦
徒令顏色槁羨君妙契合二士萬病相酬一杯水參苓遠
棄藥無功變刃須與人共喜靈龜枯桑終殞生雁以不鳴
曾見烹誰言靜默解自致奔走岐路方喧爭我生守口今
已瘖氣涌如山空苦心漫將寸穎寫奇崛紛紛過眼誰知

音峻層瘳骨非食肉空洞無塵那有俗金華玉瀝端可餐
要俟它年梨棗熟

次韻段惟德右司

空齋病起槐幄淡碧雲道士遙相臨問之不可說姓字笑
指庭鶴知余心昔年種松在山北咫尺十載修篁侵公當
青春立霄漢我竟日夕還山陰

子昂風林牧馬圖

駟馬不受人間齧春入川原草如髮老髯背面心已知眼
底元黃總凡骨相親柳下那作疎泯默此意今爲圖竹林
之賢固奇士晚歲絕交真可吁

張氏女七歲能大書

皎皎嬌女眉髮鮮筆墨爲未書爲田家貧畫地當縑楮能使平陸生雲煙老蛟翻波注甘澍渴驥齧櫪追寒泉躍如斫陣勢揮突快若舞劍光回旋青燈阿翁夜授詩誦聲出屋清且圓天然異質世外寶寸穎入手真如椽流紅題詩愧飄蕩織錦作字空纏綿遶牀不憂翠袖薄玉雪晃耀辭花鈿君不聞祝融之峯魏氏女空中落筆垂瓊篇閉門養姑吳彩鸞一謫人世知何年道合變化難具言宿習妙解寧非仙

送儀上人歸天台

三百六旬塵浩浩萬八千丈雲飄飄手提飛錫絕江去獨飲古澗長生瓢乳彪呼風小兒語老鶴翫月仙人舞空林

桂落招不來冰歇巖頭斷前路

題李廷弼歸安去思碑

人言歸安之水堪耘耔又言歸安之水宜繭絲移文夜下鄉社集折竹作度魚鱗推阿翁裹飯立田所大兒應官入城府篝燈夜算尖角贏百畝塗朱費千楮慈仁李長官眼明不識催租瘢溝塍如枰舊疆理故王之籍那可毀刮毛龜背羞作腴掉頭據案難奉符聖朝阜民極天際山積川量一稊米挂冠徒步歸卽休虛籍誇浮非我計弁山何巘旣茗溪何潺湲山君水神各有職樂意禽魚兩相得君不聞古來吏宏羊烹劉晏死飛蛾赴膏無有已歸安之碑立如玉父老摩挲路人讀

題董高閒道士春龍行雨圖

清冷之淵玉爲寶呼吸銀丸起晴晝昂頭躍空朝紫京海
峇蒼黃河伯走積靈爲氣翻帝車坐今日觀生模糊黃雲
離離覆下地神跡彷彿象今爲圖

送錢唐萬戶還鎮

秋風八月錢唐潮三千組練平明驍吳王故宮草凝碧一
塔突兀凌霄將軍宣威立油幕手撚羽箭調青鵬穿空
盤旋彩雲墮藉草燔炙羞肝骨酒酣意氣擊玉斗垂手逞
舞花容嬌百年繁華等流水金谷翠樹隨塵消平湖堤柳
千萬縷時繫落日傳笙簫宴安侈習卒未盡癡兒駮女猶
喧佻名王之孫古英武韜鈴夜誦聽寒刁徒兵晝閱逐奔

馬舟師夜渡追輕舸坐令長城鎮南服鱣鯢落膽夷姦妖
煌煌輿圖久橐戢紫燕九陌嘶風驕胷中武庫貴商略談
笑橫槩真雄超丹書之功在金匱願趾世嫩輝皇朝

嗣天師墨竹

元雲空飛着無蹟濃淡晴溪護寒碧碌碌玉石圓且奇古
澗因依養顏色仙人紫宮朝未移平安日報春熙熙生綃
陳情寫初意爲問白鶴來何遲

送趙簿正卿歸養胙城

淵明投幘酒初熟宏景挂冠丹始成何知奉輿歸故里夜
聽慈竹平安聲食蓮分甘舍雲冷得魚入饌泉水清門前
槐柳綠陰直會有雙鶴飛來迎

清客集卷六
送保寧萬戶出鎮古閬州

鵲樹飄紅蜀帝飛錦屏橫空十二眉天狼夜沈北斗正筆
花列陣書成圍拾遺舊題山鬼嘯文石縱橫碧苔燒將軍
好文歌太平桂酒謹迎梓潼廟

子昂寒篠枯槎圖

靈柯連蜷排石角海風吹秋折繁萼亭亭明珥左右從呼
吸元雲起陰壑猛思誓欲窺河源從者亦返清泠淵河源
露重星差峩清泠之淵多蛟鼉上天下天意沈惻化作蒼
龍張素壁玉堂之仙墨成沼穎脫淋漓翻浩漭鐵榦飛光
明月流翠節參差飄窈窕昂身突兀太古春崢嶸赤立驚
絕人支頤觀象洞元化芳朽成歲非吾真

澧州通濟橋

洞庭水發波湯湯老蛟挾舟恣低昂何人空中化樓閣斷
鼇爲石虹爲梁澧陽太守默無語朱墨塵淡失修舉萬里
南來春未歸離家想爾曾題柱

近有善書僧日溫妙明溫華亭人明眉山人也余
嘗識明于玉几山其年未四十溫老矣余識于靈
隱視其書之高下亦類夫年也閏十月有僧攜明
書示余遂各爲一章美之且記二子之出處焉

老溫作書誰授訣少學潘郎繞城帖興來握筆弄春妍靄
靄芳叢鬧飛蝶平生大字顏魯公晚復顛放少露鋒論功
古法雖未至瀟灑要是僧中雄醉裏蒲萄墨爲骨秋葉東

西雲鬱勃裹繒急點數元珠不識公卿是何物只今書畫
名已傳華亭鶴唳悲流年西方金仙在何天寄聲爲了塵
中緣

其二

蜀明貌癯肩聳山我與之語清且閒聞其作書誠險艱自
製美筆出袖間流落金題入清笈魚鑰無聲帳中閱暎水
寒尊凝素波側石枯藤挂斜月西風玉几雲翩翩黃衣渡
江聽清猿逢人醉寫數十紙山僧示我相誇傳歐陽父子
病骨立誠懸繼之天爲泣楚優抵掌真偶然妙解無言君
合識

善之攜酒招游西湖值雷雨分韻得杯字

南山樹影糊輕煤北山雲花玉崔嵬絕憐我輩少姿媚矧
此異景窮奇瑰湖光山色兩愁絕更挾新雨除飛埃千年
龍公睡忽醒頃刻駕浪鞭春雷我生倦游端有意陳迹黯
淡漫蒼苔擬將鐵笛寫清怨復恐翠袖含餘哀主人似怪
不解樂故結勝侶攜樽疊翩翩六鶴舞晴翮華表清唳雲
光開絕憐山雞強聯翼照水寒影空徘徊謝公屐齒殊濟
勝偈仄蓬宇徒低摧娟娟新青故堤柳片片輕白孤山梅
春風佳游詎易得相與一笑同銜杯

賦金華方君雙魚硯

海上鯁魚雙鬣紅振鬣直上嫦娥宮似嫌嫦娥太孤絕耿
耿冰雪難爲容須臾海枯不可下駢頭躍入空巖罅翠藤

清容集卷六
交絡石硤溪太古風雷催變化得意相忘睡酣熟開眼重
光弄蛾綠跳銀破練何足奇共飽雲腴作寒玉良工感此
同死生冥揆巧琢存其形世人翕霍漫刎頸對此三挹顏
爲赧元英聞孫古俠士脫粟論交傾意氣竭來風雨泊江
干拂拭雙魚落清淚平生謝子金石交詩魂寂歷飄黃茆
此中濡毫作新誌免與俗子同譏嘲

寄張伯雨道士兼簡鄧慶長二首

寢扉曉入香爐雲尸坐朝日雙臉醺南山鐘磬似有約北
山禽鳥如相聞楊枝低昂碧霞袖藕葉清淺青霓袞更欲
淡居入林壑築壇夜禮三茅君深更對滌雨斜飛赴干平
越羅作衫花纂纂今年身長覺衣短垂虹大堤迎棹船絲
袖翩躚酒卮暖還家閉門百不知桐葉題詩綠陰滿鄰坊
爲約張隱居細雨湖橋乘款段

清容居士集卷第六

